



La grupp victura da Tumeigl (da san.): Hermann Sgier, Theo Caviezel, Norbert Caviezel, Urs Nauli e Miguel Sgier. FOTO GION NUTEGN STGIER



Plaz da podest er per la grupp da Gjuvaulta (da san.): Kevin Plaz, Silvia Plaz, Carl Frischknecht, Dirk Frischknecht e Mauro Ardiuser. FOTO GION NUTEGN STGIER

Di grischun tar il final naziunal da gruppas da tir

Grond success per tiradurs e tiraduras tar il final svizzer da gruppas a Winterthur. Trais gruppas èn sa qualifitgadas per l'occurrèza finala ed tuttas trais gruppas han fatg in plaz da podest. Duas gruppas èn lura daventadas campiunessas svizas.

GION NUTEGN STGIER/FMR

Grond success per tiradurs e tiraduras tar il final svizzer da gruppas a Winterthur. Trais gruppas èn sa qualifitgadas per la concurrèza finala ed tuttas trais gruppas han fatg in plaz da podest. Duas gruppas èn lura daventadas campiunessas svizas.

Il final svizzer dal tir da gruppas è adina la culminaziun da la stagiun da tir. Qualifitgadas per quel èn stadas las pli fermas 64 gruppas da l'entira Svizra. Quellas gruppas han gia tratg ferm èn

las trais prerundas svizas e grazia lur resultats excellents cuntanschè il final naziunal. Gi lieu ha quel sonda passada a Winterthur.

Il Grischun è stà represchèntà cun tschintg gruppas. En il champ A era quai Favugn, en il champ D eran quai Bregaglia, Gjuvaulta e Tumeigl ed en il champ E Schiers/Aschera. En il final è vegnì tratg en tuts trais champs in quart final, in mez final ed in final. Gia sunter il quart final è l'occurrèza stada a fin per las gruppas da Favugn e da la Bregaglia.

Trais trumpfs grischuns

Las gruppas da Gjuvaulta e Tumeigl èn omadus partidas en l'occurrèza sco favuritas per far ina medaglia, gea schizunt per gudagnar il final. A la grupp da Gjuvaulta è quai gia reussi il 2019 ed il 2021. La grupp da Tumeigl era fin ussa gia stada trais giadas vicecampiunessa svizra, la davosa giada avant in onn. Finalmain ha il quintet da Tumeigl gudagnà il final e vegnì campiun svizzer. La grupp cun *Norbert Caviezel, Theo Caviezel, Urs Nauli, Hermann Sgier e Miguel Sgier* ha fatg in resultat da 713

puncts, tschintg puncts dapli che la grupp Ägerital-Morgarten, la victura da l'onn passà. La grupp da Gjuvaulta cun *Carl Frischknecht, Dirk Frischknecht, Mauro Ardiuser, Kevin Plaz e Silvia Plaz* ha cumpletà il podest e cuntanschè sco gia avant in onn «be» il terz post grazia a ses 704 puncts. Per la pli gronda surpraisa en il final ha lura procurà la grupp da Schiers/Aschera. Ella è partida en l'occurrèza senza grondas ambiziuns e schizunt cun duas tiraduras da reserva enstagl la furnaziun originala. Las trais tiraduras *Marina Imhof, Mirjam Engelhardt-Hart-*

mann e Desirée Hartmann e bab e figl *Bruno e Livio Tschärner* han tratg fitg constant en tuttas trais rundas. A la fin ha la grupp dal Partenz gudagnà aur grazia a ses resultat da 688 puncts. Tratg excellent ha per Schiers/Aschera cuntunt Livio Tschärner, el cun 13 onns il pli giuven da 320 participants e participants. Segunda è vegnida la grupp da Thun cun 687 puncts e la grupp da l'bach sco terza ha obtegnì 686 puncts. In vair di grischun a Winterthur cun ir a fin quel cun trais medaglias per tiradurs e tiraduras da noss chantun.

RTR PER VUS AL PULS DAL GRISCHUN rtr.ch

RADIO

19.00 L'INSTRUMENTALA

La chatscha instrumentala

Plaunet sa radunan ils chatschaders puspè en tegia e giandan anc ina bella saira da chatscha. Ed oz è tut anc ina giada in zic auter: sin las undas rumantschas resuna bella musica instrumentala da chatscha.



La chatscha ha adina fascinà, cuntunt ils onns da retgs e prinzis. Da lez temp èn era naschidas grondas ovras deditgadas a la chatscha, sco per exempel la «Sankt Hubertus Ouverture» da Julius Fucik, l'opera «Der Freischütz» da Carl Maria

von Weber u «Auf der Jagd» da Johann Strauss. Talas ovras pudais Vus tadlar oz, accompagnà d'anc bieras autras bellas melodias.

Redacziun: Christa Soliva

20.03 PROFIL (rep.)

Corina Tomaschett: «Il senn da la vita: gidar auters!»

Ella è creschida si a Trun en ina chasa da medis. E Corina Tomaschett (33) è restada fidainla a la tradiziun da famiglia.



Oz lavura ella sco media assistenta en l'ospital a Frauenfeld. En l'emissiun «Profil» raquinta Corina Tomaschett da


sia fascinaziun per l'anestesia e la medischina d'urgenza, tge ch'il tat Pius ha tradi davart il senn da la vita e pertge ch'in messadi sin la plattform da Facebook n'ha betg mo dà a sia vita ina nova direenziun, mabain er a quella da millis da dunas en il Bangladesch.

Redacziun: Adrian Camartin

TELEVISIUN

8.30 CONTRASTS SIN SRF INFO (rep.)

24 uras en la merda – in di en l'ardera da rument




Essas oz gia stads cun il satg da rument? Savais Vus nua che quel va a finir ed a tge ch'el serva anc? Nus avain gi mirveglias

e perquai ha ina squadra dals «Contrasts» passentà in di en la merda. La reportascha da 24 uras mussa in tipic di da stad en l'ardera da rument da la Gevag a Trimmis. Nus inscuntrain ina griffa che tschiffa whirlpools e giaccas da polizia, ina pigna da 1'000 grads e surtut dunas ed umens che procuran che las passa 100'000 tonnas rument che las Grischunas ed ils Grischuns produceschan mintg'onn vegnian nizzegiadas uschè bain sco pussaivel. Cun dismetter il rument grischun vegnan producid 3,5% da l'electricitad grischuna – ed er Voss satg da rument na va betg be simpelmain si ed or da chamin. (Ulteriuras repetiziuns a las 10.35 e las 12.50 sin SRF info)

17.40 TELESQUARD SIN SRF 1

L'emissiun d'infurmaziun sin SRF 1 cun sottitels tudestgs sin TXT 777

(repetiziun sin SRF info tranter las 18.00 e las 22.00)



TRUE CRIME GRISCHUN COCAIN MUSICAL LIEU DA DELICT: LAAX RTR rtr.ch/audio

dapli sin www.rtr.ch DI PER DI CUN VOSS RADIO RTR RTR PER VUS AL PULS DA QUAI CHE CAPITA rtr.ch